




兩浙海防類考續編

九下



內閣文庫	
番號	漢 9114
冊數	20 (17)
函號	292 49



綴じ部(喉部分)の文字等が開きが不鮮明な場所あり

堂豐降擄之工匠故器

似易具

細作用吾人故盤詰難

向導用吾人故進退熟

預籍富室姓名而次第即

之故多獲

宿食必破壁而處乘高而

瞭故襲取無機

間常一被重圍矣餌以偽

馘而逸之或披簑頂笠沮溺於田畝或雲

巾紵履蕩遊於都市故使

我軍士或愚而投賊或疑而殺良


江海之戰本非其所長亦

此聯虛舟張弱簾以空發吾之先鋒捐婦

女遺金帛以弭退吾之後逐

凡舟之裾墻左右悉裹布帛

彼褥而濕之以拒焚擊交關間或附遠



而飛越即雷震而風靡矣

寇擄我民引路取水早暮出入

按籍呼名每處為簿一扇登寫姓名

分班點閱真倭甚少不過數十人

為前鋒寇還島皆云做客回矣凡

被我兵擒殺者隱而不宣其隣不

知猶然稱賀

倭刀

刀有高下技有工拙倭之富者其貧者所操不過下等刀耳也中國人不知望之慨震而避正士故志之

不悛重價而制之廣延高師而學運刀者在衝鋒可畏頗有限擒獲夷刀亦莫辨高下混給兵

大小長短不同立名亦異每人各

一長刀謂之佩刀其刀上又插

一小刀以便雜用又一刺刀長尺

謂之解手刀長尺餘者謂之

急拔亦刺刀之類此三者乃隨身

用者也

其大而長柄者乃擲擲所用可以

人謂之先導其以皮條綴刃

鞘佩之於肩或執之於手乃隨後所用謂之大制

又有小裁紙設機刀出長門號兼常者最嘉

又有作贅禮賀禮不拘大小名雖為刀其實無用

上等

上庫刀

山城國盛時盡取日本各島名匠封鎖庫中不限歲月竭其工巧謂之上庫刀其間號寧久者更嘉世代相傳以此為上

次等

備前刀

以有血漕為巧刀上或鑿龍或鑿劍或鑿八幡大薩薩春日大明神天照皇大神官皆其形著在外為美觀者

如匠人製造之精不論刀大小必於柄上一面鐫名一面刺記

字號以為古今賢否之辨鎗劍亦然

浙江倭變紀

洪武二年倭犯温州

中界山永嘉王環諸處皆被剽掠

六年掠海濱

七年靖海侯吳禎敗倭於琉球洋

倭擾海邊禎遣舟師追逐之反於琉球洋中斬獲甚眾悉送京師

十六年寇金鄉小澗亭官兵敵却之

一十六年寇小尖亭

二十七年寇小尖亭

三十四年九月寇蒲岐所

永樂二年四月寇穿山百戶馬興與戰死之

日本國王源道義知之出師獲其渠魁來獻黨類悉就擒

朝廷嘉其勤誠降勅褒諭餘

詳見出使事畧卷中

二十年寇浙東朱亮祖徐忠擊敗之

亮祖破之於温州忠破之於桃渚

斬獲獻俘由是賊始知戢歛云

二十二年寇象山縣縣丞宋直教諭蔡海死之

真持竿擊賊海罵賊不屈皆被害

正統四年陷大嵩所昌國衛

賊舟四十餘夜入大嵩港襲破所城轉寇昌國衛城亦陷備倭等官以失機被刑有二十六人惟爵溪所以獲賊首畢善慶得免

八年六月寇海寧乍浦諸處十月寇杜士所

景泰六年寇健跳所

成化二年寇陷大嵩所

賊偽稱入貢官軍不為嚴備遂襲破大嵩官兵夜圍其舟檣燈連曙不移舟已乘潮遁去燈皆懸於嵩端蒿草沙上蓋設詐以欺追兵也臺閩大臣以失機獲罪

嘉靖十九年賊首李光頭許棟引倭聚雙嶼港為巢

光頭者福人李七許棟歛人許二也皆以罪繫福建獄逸入海勾引倭奴結巢於霏衢之雙嶼港其黨有王直徐惟學葉宗滿謝和方廷助等出沒諸番分踪剽掠而海上始多事矣

二十七年四月都御史朱公統遣都指揮盧鏗副使魏一恭等搗雙

嶼港賊巢平之賊首李光頭就擒

時海壩多警軍無紀律浙福二省互相抵牾賊得肆志議者請設巡視都御史以節制之

上命朱公統行公至即行二省守巡諸官各分信地或戰或守皆有專責而以福建都指揮盧鏜諸海上事即以委之鏜乃與海道副使魏一恭備倭指揮劉恩至張四維張漢等部署兵船集港口挑之賊初堅壁不動迨夜風雨昏黑海霧迷目賊乃逸巢而出官兵奮勇夾攻大勝之俘斬溺死者數百人賊首許六姚大總與大窩主顧良玉祝良貴劉奇十四等皆就擒鏜入港燬賊所建天妃官及營房戰艦賊巢自此蕩平餘黨遁往福建之浯嶼鏜等復大敗之翼日賊船有泊南鹿山女兒礁洞門青島者知巢窟已破無所歸去之下八山潛泊

五月官兵築雙嶼港

朱公初欲於雙嶼立營戍守為一勞永逸之計而平時以海為生之徒邪議叢起搖惑人心沮喪士氣福兵亦稱不便朱公嘆曰濟大事以人心為本論地利以人和為先不得已從眾議聚木石築寨港口由是賊舟不得復入而二十年盜賊淵藪之區至是始空矣時二五日也

六月賊首許棟就擒

二十日金鄉衛指揮吳川進攻於近山海洋賊船為我所迫又遇暗礁舟覆所遺纜二人棟與其弟社武也官兵擒之積年巨寇一旦生俘之蓋天意假手云王直徐惟學毛列亦收其餘黨復肆猖獗廣東賊首陳思盼自為一鯨與直弗協遠用計掩殺之由是海上之寇非受直節制者不得自存而直之名始振聳海舶矣直以殺思盼為功叩關獻捷求通互市官司弗許

三十一年王直移巢烈港

直既破陳思盼求市不得乃引倭夷突入定海關官兵却之遂移泊金塘之烈港亡命之徒日益附之由是邊海郡邑無處無賊矣

四月攻遊仙寨百戶秦處戰死

詳見遇難狗節考

五月攻瑞安縣百戶李潮高良戰死

初十日賊自江口登犯嶺門歧頭等處入坡南滙至瞭高山下潮等與戰死之遂乘勝攻縣城把總夏光知縣劉巖率官兵擊

却之賊乃退
泊東山港

陷黃巖縣

二十八日福清賊首鄧文俊等率倭夷二千直入縣中
焚燬縣治居七日而出時縣無城而賊乘潮猝至故陷

六月賊攻鄞衢所指揮樊懋力戰死之

二十日賊以破黃巖得利復攻所城二十日夜半乘雷雨先以
草人用竹揭試入城懋急督兵力戰死之時守禦指揮魏英
督兵夜戰至天明
賊從杜門而出

十一月參將湯克寬追擊賊於下馬洋大敗之擒賊首鄧文俊等

十二日克寬統兵追黃華之賊與戰於
下馬海洋越三日復戰遂擒文俊以歸

三十二年閏三月官兵追擣烈港賊巢玉直敗走

烈港地形曲折賊負固盤據卒難進勦都御史王公行躬至溫
州閱圖審形謂兵船雖多難以直騁乃令參將俞大猷湯克寬

分爲二哨部署既定大猷由列表門進以當其前克寬由西後
門進以防其逸謂賊一出則一哨可以追勦不襲亦可以全制
也至是大猷募熟諳山脈徑路之人俟得等潛入賊營則以十
一日舉火為號而自移營木嶼拒賊巢止隔一山分遣把總張
四維中龍山黎秀屯鄞衢遙為聲援夜四鼓僕得等縱火賊營
烟燄蔽天官兵乘之賊驚奔爭舟死者無筭乃大敗走直率精
銳潰圍而去泊馬蹟潭軍門以大猷并兵獨
進雖破賊巢而違我節制使賊得逸深責之

四月賊攻海鹽縣

初四日賊自太倉上海而來攻縣城
三日始解去城外民居悉為煨燼矣

尋至海寧衛把總馬呈圖等與戰死之

初六日賊至海寧衛馬呈圖督官兵禦之弗勝遂與指揮采煉
百戶王相姜楫呂鳳姚岑皆歿于行陣既而把總王應麟率兵
追逐之與戰于海口巡司大勝之賊以伏兵衝我
師我師遂潰千戶王繼隆百戶楊臣康綬亦死焉

參將湯克寬破賊於鱉字門

初九日犯平湖官兵追之連戰皆敗蔡指揮等死馬王公命克寬往勦之及於鯿子門大破之俘斬二百六十有奇

賊薄省城指揮吳懋宣率僧兵禦之於赭山敗績

懋宣以僧兵為可恃欲藉以立功竟失陷而歿

賊攻松門衛把總劉恩至追擊於舟山岑港大敗之

賊初至勢甚猖獗攻衛城弗克而去蓋依王直為窩者也

陷昌國衛百戶陳表死之

詳見遇難徇節考

賊犯定海官兵擊敗之

賊皆鷄鳴山人沿海為患十二日都司劉恩至破之於蘆花港口

官兵進勦馬蹟潭王直敗之

十四日湯克寬守兵船進搗賊巢大敗之因砲聲驚起賊龍軍兵覆溺者甚眾直遂走直隸地方俞大猷又追敗之所存僅百餘人

陷臨山所參將俞大猷等追擊大敗之

廿四日大猷與都指揮劉恩至俘斬一百有奇

犯長沙灣參將湯克寬敗之

五月賊攻海寧衛

破乍浦所百戶陳綬指揮陳善道死之

賊自金山而來城破綬死之善道從湯克寬率兵來援與賊戰於長沙灣與冠帶總旗張儒皆死之

攻新河所

時兩浙之賊充斥郊野所過殘破村落為墟而乍浦以東達於直隸之柘林二百里之地皆為賊巢矣湯克寬兵勝於葉謝港

副使李文進副總兵俞大猷兵勝於蓮花洋俘斬雖多而賊猶不知戒云

七月賊攻台州寧海縣

初四日攻城
九七日而解

三十二年八月都指揮劉恩至等迎擊直隸遁賊於普陀山洋敗之

先是賊首蕭顯屯直隸之崇明南沙修船為遁歸計都御史王公符計其勢必流入浙境預令都指揮劉恩至指揮張四維百戶鄧城等分為二哨一自觀海臨山趨乍浦遏賊來路一自長途沈家門設伏邀擊賊果南遁官兵與遇於普陀落伽山臨江海洋連與戰皆勝之零賊敗登普陀依險為巢掘塹自衛崇將俞大猷督官兵進攻之二十一日夜自石牛港進張疑整軍而不與交戰潛遣奇兵由西北巡檢懸直入百戶鄧城武憲火城黎俊民陷陣先登賊遂敗走茶山絕頂翼日鄧城由東北淺步沙進火城由鸚哥岩進黎俊民由中路進劉恩至等統大兵居其後四面齊進俘馘無遺

十二月賊攻瀝海所千戶張應奎百戶王守正張永死之

三十三年三月都指揮劉恩至等敗賊於三岳山

賊至三岳山恩至與指揮張四維督舟師進攻勝之尋與指揮潘亨會兵再戰入勝之賊乃由楮山遁去歷曹娥三江瀝海餘然直走定海之王家團

賊首蕭顯流突海鹽官兵追擊大敗之於二十里亭追至慈谿平之

顯叛結倭夷連踪入寇首犯直隸之上海盤據南沙劫邑攻賊號稱劇寇自松江敗衄遂率精悍數百遵海而南王公命官二設伏於要路賊至二十里亭復大敗走顯復統百餘梟銳奔官兵乘之逐於三江剉於龍山圍於定海困於慈谿分道夾攻賊遂就滅

賊據普陀山分踪流劫內地參將盧鏗邀擊於石墩洋大破之

先是賊入寇歸樓普陀為息肩之地官兵守之既浹旬將搗其巢先一日遣謀覘之傍無一舟至是四合鼓噪而前值他島賊自彼來精悍異常遂合攻官兵腹背受敵輒敗斃亡者什六因罷歸賊以先所得貨滿新舟令其半先歸而留其梟悍者

入掠由是海鹽龍王塘乍浦長沙灣嘉興嘉善皆被其害而石墩洋之捷僅斬賊二百餘級云

四月參將盧鏜擊賊於平湖敗之

賊自金山張堰而來至平湖新倉鏜迎擊之賊遂敗走

五月賊攻嘉興府

參將盧鏜追擊石墩之賊大敗之

賊久盤據海寧縣之石墩為巢至是出洋鏜追敗之俘斬二百有奇

六月賊犯金鄉指揮王希禹陳區擊敗之

九月浙西之賊分掠浙東蕭山臨山瀝海上虞

攻嘉興府官兵追之與戰於孟家堰等處指揮李元律等死之

孟家堰之戰元律與千戶薛綱宋應淵死焉既而賊走嘉興州張欽等敗之賊奔百家山百戶趙梁瑜戰死賊寇

都指揮周應禎亦死之

十月百戶張曜禦賊於湖頭死之

賊自甯嶼登劫突温州之湖頭曜統兵禦之敗績乃力戰而死

賊尋至東陽南午嶺巡檢朱純死之

賊自湖頭之敗走樂清越盤石嶺趨台州黃巖縣仙居遂至南午嶺純統鄉兵邀擊之力戰而死

指揮戴祀等與賊戰於芙蓉海口死之

祀與江九山千戶崔海鎮撫劉成百戶易次皆戰歿

賊攻觀海衛

攻乍浦所

賊自金山而來攻所城不克乃分掠平湖嘉興等處復回柘林

十一月賊入嘉善縣遂至湖州

賊復自柘林而來入縣治又越嘉興府而西流劫湖州諸縣

十二月賊復入嘉善縣百戶賴榮華死之

賊歸自湖州復入縣治榮華統福兵禦之乘勝逐北賊預伏鳥鏡手以待兵潰榮華死焉翼日賊焚縣治自是而後賊入縣治凡十有七次無城故也

三十四年賊首徐海攻乍浦所

自柘林而來

攻平湖縣

破崇德縣

時築城未完賊以小舟潛從南水關入

賊至湖州橫塘官兵與戰敗績福建副理問陶一貫溫良備周奎等死之

時同死者青州指揮孫勇羽林百戶陸陵玄鍾百戶周應辰山東把總梁鄂武生郭周張景安朱平姚清孫魯故青齊驍將也是役亦手刃數賊以衆寡不敵故敗歿

二月攻嘉興府

賊掠湖州而回復政府城

四月賊攻乍浦所不克遂至嘉興府巡按御史胡公宗憲敗之於王

江涇

詳見大捷考

浙東賊犯紹興百戶葉紳韓綱死之

賊自錢倉白沙灣入奉化仇村經金峨突七里店寧波衛百戶葉紳與戰而死賊由甬東走寧海崇丘鄉復折而趨鄞江橋歷小溪樟打定海衛百戶韓綱與戰亦死之至會稽副使許東望率知事何常明典史吳成器圍之困於絕地幾盡斃知府劉錫縱之走由白米堰沿海塘過蕭山入富陽趨直隸徽州等處○餘見直隸倭變紀及大捷考

五月賊犯餘姚省祭杜文明死之

文明團練鄉兵累立戰功至是統土兵禦之斬賊首一人從賊三二人文明亦戰死焉其父杜槐亦死於楓樹嶺之戰父子忠勇人所難及

賊犯平湖指揮李希賢敗之

賊自柘林出掠至平湖希賢邀擊之六敗其衆俘斬一百二十有奇既而賊益衆攻城月餘始解蓋賊首莊良之踪也

攻乍浦所

賊攻爵溪所及餘姚縣

賊新至即攻所城不克進攻餘姚

賊攻三山所把總指揮劉朝恩擊敗之

時朝恩已承院檄他委離所一舍聞報即馳還率軍民固守值霖雨城圯者數十丈賊譁呼謂唾手可陷城中洵洵或勸朝恩突走朝恩叱之曰我祖宗世受

國恩今日正我報効之秋豈可以事權去已而規避耶且我去則一身之利得矣其如生靈何遂以身蔽圯所督戰甚力復以木城障之時城上矢石如雨而未有中賊者朝恩悟曰此幻術也投以生犬首發矢即中其酋帥貫喉而斃賊驚潰走朝恩復追躡之斬馘數級是役也內外居民全活者三四萬人

六月賊犯省城燒北關市總督尚書張公經統兵禦之大戰於塘棲

敗績

初賊敗於王江涇精銳者多死柘林諸賊亦驚愕破膽胡公計乘勝進搗賊巢欲令永保二兵由金山海塘而進瓦氏兵合遊

擊鄒繼芳由閔行黃浦而進狼兵攻其東苗兵攻其西海洋戰艦截其遁歸之路必使賊無噍類以絕後患張公不能用竟分永保兵以援蘇州等處二兵困于奔疲且眾寡不敵故有是敗

賊尋走吳江之平望浙直官兵會擊大敗之

詳見直隸倭變紀

賊從嘉善縣遁去嚴州府推官劉泉復大敗之

賊既不能取道蘇州乃折而東南從嘉善乍浦以趨舊穴泉率鄉兵禦之于三店塘復大破之斬首四百六十餘級焚溺中毒死者復千餘人蓋不藉客兵之援而專督鄉兵之功也

浙東賊犯餘姚鄉兵擊敗之

賊自觀海遁歸官兵追敗之於霍山洋

賊自觀海出洋都指揮王需與把總閔溶張四維等邀擊于霍山海洋悉沉其舟

參將盧鏜敗賊於馬鞍山新林復追敗於勝山龜鱉洋

八月副使孫宏軾等破賊於大陳山梟擒賊首林碧川

賊首林碧川自柘林遁出海為颶風沮回泊台州之螺門宏軾與兵備許東望參將盧鏜知府宋治都司王需等督舟師追之賊敗登山官兵圍之月餘碧川與高贈鳥魯美他郎等一百五十八俱俘斬無遺

參將盧鏜擊賊於金塘敗之

九月賊巢舟山之謝浦

十一月官兵追賊於龕山平之

詳見大捷考

賊登犯海鹽知縣鄭茂指揮徐行健即日討平之

賊自秦駐山登泊茂等率兵撲滅之是戰也賊雖止於八十有奇然以是日登陸而官兵以是日盡殄之則前此未之有也

十二月賊犯平陽三港守備劉隆等死之賊尋平

賊自南麂山流入金鄉至平陽之三港官兵邀擊大破之賊
為我兵裝束逃出陣後而以嗜悍者衝其前腹背夾擊我
潰隆與千戶鄭綱百戶張澄死焉賊尋至嵎縣提督軍門胡公
令副使譚綸勦之授以成筭仍令典史吳成器為鄉導引官兵
田新昌遠出賊後期容美田九霄兵至夾擊之百戶王世臣等
又各分守要害以防賊遁至是官兵分作五哨四面埋伏以一
哨誘敵賊出戰伏兵四起賊遂大潰走清風嶺烈
女廟官兵乘勝攻之斬賊無遺○餘詳見大捷考

樂清賊犯寧海主簿畢清死之

清善騎射屢立戰功至是
禦賊於楓樹嶺力戰而死

尋至平陽學指揮祁嵩等死之

嵩與百戶劉愨
俱力戰而死

指揮閔溶亦戰死於舟山

三十五年正月官兵擊賊於後梅大破之

詳見大捷考

二月賊圍海寧衛

賊據近城蓋嚴
為巢日夜攻擊

三月官兵進擊舟山謝浦之賊勝之

參將盧錚知縣宋繼祖生員李良民武生
婁楠等會兵進攻大破之賊移屯邵舉

柘林賊攻乍浦所

賊首徐海陳東等自柘林沿海而來欲取乍浦為巢進攻杭州
次及蘇常以至南京兵備副使劉燾疾馳應援與賊相持官兵
夫勝斬首五十有五賊勢少挫翌日賊自金山而下者復萬餘
遂圍燾于城中日夜攻擊燾督官兵禦之賊不得間九日乃解
去由海塘而西燾尾追之斬首一百三十賊過海鹽轉塘灣指
揮徐行健禦之因眾寡不敵而死賊因野無所掠分作二支一

西法治防類考續編 卷之九
逕至長安一由硤石章婆堰與長安賊會知杭州有備不敢攻而去

四月攻嘉興府指揮程祿死之

賊回至王庵復分為二半由海鹽塘半出長水塘期會攻府城時嘉興兵俱往杭州賊規知之故乘空而至也適程祿所統陸兵五百至與金丹等水兵夾攻之斬獲頗多賊後至甚眾其陸行者徑趨城下我兵為其所綴賊遂過城下而西急赴皂林以趨烏鎮祿追之賊預伏民房以待祿遇害時官軍死者千餘人

浙東新賊攻觀海衛龍山所進陷慈谿縣

時賊自鳴鶴場臨山三江登者各千餘越數日始進攻觀海龍山生員李良民統兵禦之賊乃往慈谿時慈谿無城知縣柳東伯率民兵禦之而賊分踪遠出兵後衝縣市都長沈宏率族屬土兵勦之斬首百餘賊即遁去賊首為周乙豐洲酋也

參將盧鏜敗賊於慈谿之文亭

時賊將掠餘姚鏜逼之於文亭大敗其眾賊乃不得至餘姚餘姚士民感之為勒石頌功云

佐擊將軍宗禮與賊徐海戰於崇德三里橋死之

海統賊萬餘流劫烏鎮胡公遣千總錢燦等率鹽兵百餘人為亡命投入賊中以為內應而檄知縣張冕剿之賊內外驚憂不得寧居欲仍往杭州一全崇德三里橋禮與鎮撫侯槐何衛忠勇官霍貫道率兵九百禦之三戰三逐北賊死者以百數賊分番死聞禮等以孤軍力戰多寡不敵遂皆死之

賊攻平湖縣

指揮翟文擊之賊退走指揮劉岱預伏潘港復追賊至瓦山皆勝之

五月浙東賊復入慈谿焚縣治攻龍山所

賊分二支一入縣治一攻所城為龍山兵所擊死者數十人乃解去

賊首周乙就擒

乙統賊四千餘劫慈谿不已而延及餘姚為浙東之大患至是就擒

福建流賊破僊居縣入據之

時方築城未完且值霖雨新城崩壞賊進攻者三知縣姚本崇悉力禦之賊夜分三支攻城西南而以一支持潛由東北登岸遂入縣治先是賊自莆田岐頭流劫北至青田百戶方存仁死焉賊遂猖獗攻破縣城巡檢劉岱率兵來援亦死之

浙西賊圍桐鄉縣

宗禮兵既敗歿賊益縱肆提督阮公鶚入壁桐鄉賊就圍之副使劉燾遣指揮朱文王彥忠來援擒斬賊二百六十餘人衆寡不敵我兵遂却

總兵俞大猷盧鏜敗賊於漁山馬跡洋

松浦口之賊自古窟遁出漁山海洋鏜與指揮張四維等追及之沉其數舟擒斬二百大猷復追及于馬跡洋俘斬百餘

桐鄉圍解

除海陳東攻圍桐鄉執甚危迫總督胡公新受命引鄉兵十餘駐敵樓防守杭州無他兵可遣援者乃與中書羅龍文謀曰方

今徵兵未集而阮提督久困孤城萬一有失損

國威多矣今欲用間用餌以紓時艱而無可使者奈何龍文曰我世受

國恩願以死報請往說之公曰君京官也而無

朝命往且不測况與賊素無一面之識誰則信之適陳可願自松浦

面以王直義子毛烈通事童華夏正朱尚禮邵岳等款定海關

稱報效胡公喜曰吾事濟矣乃留毛烈於舟山而亟召童華等

來見因厚撫之華等感悅胡公察其可使乃推誠與之計華遣

朱尚禮持書往說海海故畏公威名欲解去而惡無名得書大

喜欲與華面議龍文因請監督以行胡公從之遂借詣海所宣布

朝廷威德因勸樹功以圖顯榮海固唯唯而陰與華曰吾固願為報

効而費倭人金且數萬奈何華曰此易事耳胡公謔達大度爾

能與之立功富貴可望也豈直數萬金而已耶海大悅遂以降

券付龍文等還報即日解桐鄉圍而去既而下硤石逼塘樓華

亟馳問進兵之政海曰以倭人金無所償耳華曰若然是挾兵

以要重賞也茲豈効順之義胡公一怒吾亦不能為若謀矣爾

弟出海瀕軍門有厚賞持以償倭未為晚也海懼從之即退屯

李港華恐其反覆難保因索其弟洪來質云

副使劉燾遣指揮王彥忠等敗賊於斜塘

內江防務者... 卷之九
賊有復自松江來者屯斜塘風涇王帶等處勢甚
滋蔓熾令彥忠等逐之賊大敗復由橫浦東去

六月官兵進擊遷居之賊平之

賊據僊居胡公咨阮公往救之又檄副使許東望知府譚綸總
兵盧鏗等從東路進賊聞大兵至乃走斷橋彭溪官兵圍於林
同知家指揮伍惟員犯其前鋒俘斬三百死水火者不計餘賊
六十人遁往天台復為鄉兵所殺而福建流賊遂無孑遺矣

應襲管懋克中書羅龍文誘擒賊首華明陳東等

徐海既解桐鄉圍而去與陳東葉明分屯呂港新塲旋復合於
乍浦城南黨與其盛督察趙公數趨進兵總督胡公曰今眾寡
不敵進兵豈為勝筭且海所以退去者貪吾餌也若進兵而勝
固是美事不勝當奈何今日之事法當先撫而後勦以金數萬
勾致其心遣謀離其黨與剪其羽翼而後徐為之圖萬全之計
也於是遣龍文與華等行間適麻葉偽為胡公虎符替出破石
擄祝氏婦胡公怒復遣華等往語海曰爾一心欲投降而降而陳東
麻葉反覆不常恐為爾累非我所以曲全爾命之意海猶豫未
決龍文曰彼二人者已密啓趙公約縛爾生致之矣海大怒乃
誘麻葉至管懋克舟所縛送軍門復約龍文以舟載貨賜與買

八月官兵敗賊於夏芒山三江海洋

易童華以金二百與倭人之桀黠者誘東偕來
至舟所即執之以歸海自此勢孤以至於亡
既而又戰于金塘為藁之間復
大敗之俘斬二百三十餘人

兵部郎中郭仁副使劉燾擒賊於秦駐山

時謀報秦駐山支嶺之上有羣倭棲之其舟為觸礁所破不能
長往仁與燾時駐乍浦即欲遣兵擊之將士皆云窮寇據險難
以仰攻乃計令兵士挾降倭一人往說之許其送
付徐海其黨五十餘人悉棄兵而來因次第縛之

官兵敗賊於乍浦

詳見大
捷考

賊首徐海乞降

陳東黨既為官兵所破海內不自安陰修戰備為死鬪之計胡
公知之復令羅龍文童華等往慰之且諷使入見海猶豫未決

都御史阮公鶚率官兵討平之

時官兵四集軍威甚盛海偵知之陰收陳東葉明餘黨謀拒自全胡公復遣華往解之海迎謂曰吾以爾言結怨諸倭今軍門既受吾降而復徵兵漸逼非為我而誰耶叱左右縛華將殺之華大笑不止海曰爾尚何言華曰吾笑爾不識人以忠為姦使吾枉死爾手耳海曰何謂也華曰陳葉二黨尚多且心跡不一今陽為附爾實為豫謹之計軍門恐爾入其彀中故遣我相聞

既而復叛據沈家庄總督侍郎胡公宗憲督察侍郎趙公文華提督

龍文宿其營安寢如家海以足躡之覺曰此虎狼之穴何酣睡若此耶龍文曰我為爾百口且不顧况此身耶今爾乃心持兩端何也海曰聞趙必欲殺我恐公不能救龍文曰趙公初意如此今也則否海曰焉知非誘我而執之耶華曰胡趙二公欲為爾題請封爵使爾專提一旅之師捍海上寇若不入見彼何所據以正請也海曰蹈不測之險奈何龍文曰我京官也且胡公姻戚爾第入見我則質爾營中萬無一失矣海始首肯華既馳報軍門軍門許之為之期日謀使復數四始既定海猶慮中變先期而至入見胡趙阮三公及巡按趙公孔昭于平湖城中受檄而出謂龍文等曰鑒諸軍門之貌吾禍終不免嘆息者久之

盧鏜擒賊首辛五郎等於清港洋

官兵壁近郊者防其變也爾何不悟耶海曰然則如之何華曰今沈庄有東西二所爾曷不分其黨各自為巢而密約官兵殺之爾後患絕矣海深然之卒用其策由是二黨互相猜疑胡公知之遂部署大兵進搗其巢是時賊壁甚堅據敵樓以拒四面皆掛白布覘我不得窺賊也諸將以佛郎機攻之畏矢石不敢近七日弗克胡公怒命都指揮戴冲霄攻之冲霄率兵士逼賊壘立於矢石之下燬其西南正西敵樓各一座賊失據冲霄及把總楊永昌等督永保等兵大進搗巢於半日之間實冲霄燬敵樓之功也海既敗歿其黨散走一支據定海丘家洋阮公與總兵俞大猷盧鏜合兵圍之賊潰走踰桃花嶺渡寧奚歷鄞奉化寧海與官兵戰於台州兩頭門把總指揮范死焉賊突走温州至福寧得舟而遁一支自直隸出海為大猷兵所滅一支自浙江出海為鏜兵所滅其得脫走者突登慈谿縣伏龍山阮公率官兵滅之由是賊無生還者矣

詳見大捷考

副使許東望擊賊於馬墓福山洋敗之

內所錄方領方實編 卷之九 五

賊酋二羅表乃從
賊七十餘皆就擒

九月百戶郎官追賊於臨海兩頭門死之

副使王詢總兵俞大猷擊舟山賊平之

俘斬一百
五十餘

十二月官兵進搗謝浦賊巢平之

先是賊據吳家山官兵自秋及冬屢攻弗克胡公命把總張四維以麻陽兵當歲除夜襲破之俘斬無遺是年兩浙之賊數踰二萬皆次第就擒而謝浦之寇即舟山之餘孽云

二十六年四月賊犯定海關應襲百戶俞憲章死之賊亦敗遁

賊舟漂至沈家門副使王詢總兵俞大猷令把總張四維誘降五十三人至定海關適別艘賊殺憲章恐其中變悉斬之而移兵擊新至者賊敗宵遁

十一月賊首王直款定海關要互市總督胡公誘擒之

王直泊舟山稱降擁兵觀望總督胡公遣把總劉朝恩陳崇祉指揮夏正通判吳成器生員陳可願往說之時副總兵盧鏜守中中所城外倭刃森列鏜慮變堅壁以待不肯啓鑰朝恩曰若是是益賊疑也激禍必矣事勢已迫不如以理論之以誠招之有禍吾自當不相累也鏜從之朝恩等馳至直所直見皆單騎伏迎道左朝恩等反覆開論直笑曰公等皆督府親信輕身臨辱推誠相與直小人也敢不惟命遂見鏜於城中誘致定海而執之夏正以此不得還詳見遇難狗節考

二十七年二月賊酋毛烈據舟山之岑港

王直既就擒毛烈等欲為之報仇不肯還島而據岑港分隴出掠官兵要攻之弗克

都指揮戴冲霄等擒王直謝和餘黨黑頭自陳秀山等

秀山王信郭喬怒等直部下也項松吳九等十五名和部下酋也

賊攻樂清縣城

賊舟入石馬港者甚衆即進駐城副使袁祖庚將張鈇逐之至和尚舉與太平流寇合兵五千餘人金盤指揮劉茂朱廷鑰千戶周賓百戶李爵劉深與賊而死鄉宦賊亦死之

四月賊攻台州府

賊酋二十餘人臨海島朱門劫松門寨寇台州象山桃渚又有繼至之賊與合為一攻府城僉事李一畏知府譚綸率兵剿之至隘頑所海濱大敗之

溫州賊過太平縣典史葉宗與戰死之

攻寧海縣

攻溫州官兵討平之

時台州賊復合樂清賊攻溫州府總督胡公遣參將戚繼光追之及於盤石館大敗之賊遁出港蔡將張鈇預奉胡公方畧繼光帥江口以待斬首百餘焚其舟二分劫象山寧海僑居知府譚綸擒斬之戚繼光又追及於

每洋賊遂全敗

八月官兵進剿舟山賊巢平之

詳見大捷紀

三十八年三月賊巢象山何家磯副使譚綸討平之

賊自何家磯登犯者三百餘據險為巢樹木營以自固總督胡公檄副使譚綸剿之綸與總兵俞大猷計曰喉者報賊甚多而今登犯者止於三百其嘗我乎乃令大猷率舟師備之於海而自率陸兵往禦之至定海即欲進兵將士請曰兵士遠來乞休三日而戰綸曰賊數不及三百久掠不去者蓋謂我無兵耳今聞大兵四集不走且嚴為備宜出其不意急擊之乃進兵至馬岡賊繼至者五百自金井頭而來至近綸即移兵先擊之前鋒既接綸分兵從中衝之賊遂大敗追至落頭斬級以百計賊避入山中竟宵遁焉翼日綸率軍進搗何家磯賊巢賊殊死戰綸遣奇兵從間道出賊後擊破之賊潰入舟中因縱火焚之俘斬

畧盡

賊攻桃渚所

攻楚門所

賊千餘自泥湖礁而來

賊犯樂清參將張鈇敗績千戶胡鳳等死之

賊自梅壘劫次日日至窰與鈇迎敗之乘勝進攻賊伏麥田中官兵入其伏遂潰千戶胡鳳朱璠百戶姚憲皆死焉

賊犯定海把總陳其可與戰敗績武生蔡啓元死之

賊自丘家洋入犯為參將戚繼光所敗至奉化之蔣家鋪副使譚綸遣其可擊之其可違綸節制乘勝逐北為賊所乘遂潰敗啓元死焉

賊攻松門衛

賊攻夏公巖入犯即日攻城即柵浦賈子為巢皆去衛不遠數里

四月賊攻樂清縣

賊自石馬港入者二十人張鈇射死其酋二人賊驚潰奔舟

桃渚圍解

時賊攻所城甚急幾至陷殺總督軍門檄譚綸往應之綸至入所城與戚繼光合攻之俘斬頗衆賊遁曹埠依山為固官兵又進攻之復大捷賊遂併入柵浦賊巢

參將張鈇敗於白沙嶺

賊自松海登陸及太平適至之寇合踪至白沙嶺鈇預設伏以待賊至入伏正兵方合伏兵繼起大敗之賊遁出海去

五月柵浦賊夜襲松門衛城副使譚綸等擊破之

綸既破桃渚之賊即回軍向松門擊柵浦賊既入衛城以守城卒父而疲且風雨晝冥恐賊乘官兵初至來攻城乃令諸偏裨悉軍通衢以備巷戰而令戚繼光軍分配城守諸偏裨皆竊笑之夜漏下四鼓果有賊數百襲西門先登者且三十輩殺城卒

火城館守者紛紛墮城走章延稟陳其可督兵大戰斬數賊賊乃退洪計無遁綸與繼光尾賊後計賊必出金清明警二舟塞之賊果至起塞時綸駐新河所城檣旗示弱詐為新河老人遺書于賊約饋千緡令勿攻城賊信之乃不起塞明日繼光軍出壁牛橋誘賊賊果乘衆往綸盡銳兵出南門復遣人搜賊伏悉走之賊依舟以拒官兵攻之沉其二舟賊大敗奔陸復大敗乃棄輜重越過南岸官兵追之及於南灣嶺賊復據濱海高山分五部以拒官兵蔡汝蘭等進搗其巢先令奇兵間道奪其巔以拊其背張左右翼以貫其中遊兵復四面環攻之賊遂大敗斬首三百生擒數十百人賊潰圍奔樂清黃華據舟出海而去

副使劉存德參將張鈇進搗海游賊巢平之

先是存德鈇預令把總任錦等設伏石所在港口而自督兵進剿之賊知大兵將至即遁出洋伏兵擊敗之追至貓頭洋又敗之追至青門洋又敗之沉其舟數十俘斬數百餘賊會屯海為游兵擊斬盡絕

九月福寧賊流至桐山指揮盧錡等敗之

賊掠福建而去為颶風所擊復至桐山錡與梅魁等搗其巢預遣人伏賊巢中約被虜人為內應而令指揮李光佐典史黎喬

伏水壯策應之夜二鼓賊巢火起各兵乘亂夾攻賊大敗奔前坡官兵復追及之斬首一日三十一

十一月賊遁往福建盧錡等復大敗之

錡等知賊將遁設伏泰順港口伺之賊至大敗官兵追至同坑適仙居知縣區益以坑兵來會前後夾擊復大捷俘斬二百有奇

十二月王直伏誅

四十年四月官兵擊賊於馬巽沙坡大敗之

賊新至官兵遇之於海洋中追逐至馬巽沙坡敗之賊奔陸適冠帶把總章延稟守舟山引兵設伏坡上約水兵合擊之賊遂大敗

賊犯新河所官兵擊敗之

賊自週洋港登劫僉事唐堯臣遣指揮劉意等擊敗之復用火攻賊死者百餘遁太平漁嶺復追敗之

賊犯台州參將戚繼光敗之

賊自桃渚登陸流至台州為繼光所敗追至新橋賊又敗走死者百餘而繼至者復一十餘人至黃沙為繼光所敗乃登山以拒官兵復追敗之圍於白水洋民居火攻之賊遂盡絕是役也賊多兵寡而我兵九戰皆捷俘斬千餘焚死者稱之

五月賊犯大嵩官兵擊敗之

賊為我兵所逐出至橫嶺扼於水兵不得去乃奔入鮎鱗副使王春澤檄總兵盧鏜由南路由奉化以入象山而自引兵由大嵩望湖頭袁村進期與合擊適賊至袁村官兵擊之賊大敗潰斬首一百五十

遇難狗節考

此卷所載名教所關故不嫌特書然事之詳畧者姑闕之以俟

有憑據或限於耳目之未接或涉於傳聞之疑似同志者增入焉

永樂二年倭犯穿山百戶馬興與戰死之

六年倭入山東千家庄寨百戶王輔死之

犯桃花關寨百戶周盤死之

七年冬十二月倭陷廉州教授王翰死之

翰河東人任本府教授嚴立規條教誨不倦倭寇陷城民皆逃避翰整衣冠端坐明倫堂賊至欲執之罵詈不屈遂為所害

九年三月倭陷昌化所千戶王偉死之

二十年倭寇象山縣縣丞宋真教諭蔡海死之

真持竿擊賊海罵賊不屈皆死之

嘉靖二年日本使者宋素卿等作亂遁入海洋備倭都指揮劉錦追之

戰死

時有欲追之者問于新建伯王公守仁公曰歸師莫遏窮寇勿追但當把截要害縱其退拒其進賊進無所獲退無所資將自困絕於是取之兵不血刃矣由是兵皆不追錦獨往果為所殺

二十九年寇犯昌國烈婦嚴氏死之

嚴氏葉小九妻也為賊所執驅之而前氏知不免遂投河而死

三十一年四月寇入奉化義士汪較死之

較奉化人力挽强弩允精矢藥及刃精習有司上於軍門賜以義士關防賊入應家棚較率民兵射斃十餘虜創艾遁去較亦被傷而死

賊攻遊仙寨百戶秦彪死之

懋宣率僧兵禦
之力戰而死

把總馬呈圖指揮采煉百戶王相姜楫呂鳳姚岑與賊戰於海寧
場死之

賊犯平湖百戶劉黃與戰死之

犯白馬廟指揮蔡死之

犯南湖把總陳指揮胡死之

犯三江港口百戶陳黃死之

官兵追賊於海鹽海口巡司千戶王繼隆百戶楊臣康綬死之

賊陷昌國衛百戶陳表死之

倭賊入城表曰吾力無如之何有死而已但所攝印多吾死置
印何地遂送母出城納印於千戶金鰲出門追賊奮鬪而死

孝子劉晉死之

晉昌國人倭寇入城其祖老疾不能行家人各挈妻子走惟晉負其祖而逃賊將及祖曰我老甘死汝宜速去晉不忍俱被殺

五月賊破乍浦所百戶陳綬死之

參將湯克寬與賊戰於乍浦長沙灣指揮陳善道冠帶總旗亦儒死

十月知事何常明與賊戰於杭塢山死之

常明乘勝追賊中伏而死

十二月賊登西匯嘴千戶張應奎百戶王守正張永死之

二十三年四月參將俞大猷與賊戰於普陀山武舉應襲火城

民魏本康阜死之

斌觀海衛人幼通儒術以母病嘗糞轉甜晨夕告天願以身代及壯應武舉鄉試中式者二憤海寇荼毒生靈詣軍門乞隨軍報効累立奇功至是與武舉生黎俊民應襲魏本康阜督水兵追賊於普陀山陷陣先登同時遇害蓋忠孝得於天性者也後其兄指揮同知火雷請於當道為之立祠與俊民並肖像於其中俊民廣東人

賊入上海縣指揮武尚文死之

尚文鎮海衛人從參將湯克寬駐軍上海賊逼縣治尚文率家兵禦之出東門遇賊遊兵輒敗之乘勝進攻賊伏水傍俟尚文過以利刃斷馬足馬蹶尚文死焉

賊也李家舉義士朱汀與戰死之

汀吳山人多勇力素好劍槊賊登赤坎屯李家舉大肆虜掠汀與其黨王永希及子友章等數十人直搗其穴賊棄營走追至開口若日已晡賊計窮感遂返逆戰良久汀為流矢所中猶手刃數賊力不支顧謂其子曰吾已無濟汝等宜速去子不忍舍與王永希奮力直前格戰俱死焉

賊攻松江府副千戶童元巡檢李叢祿死之

九月賊攻嘉興府官兵追之戰於孟家堰指揮李元律千戶薛綱死之

賊犯百家山百戶趙軒梁踰死之

賊寇沈家河都指揮周應禎死之

十月百戶張曜與賊戰於湖頭死之

賊至東陽南午嶺巡檢朱純死之

賊犯芙蓉海口指揮戴祀江九山千戶崔海鎮撫劉成百戶易坎死之

十二月賊入嘉善縣百戶賴榮華死之

詳見浙江倭變紀

三十四年正月賊犯湖州官兵敗績副理問陶一貫守備周奎指揮

孫勇百戶陸陵周應辰把總官梁鄂武生郭周張景安朱平姚清

死之

詳見浙江倭變紀

賊陷崇明縣知縣唐一岑死之

詳見直隸倭變紀

四月賊犯瑞安縣守備劉隆千戶尹 死之

隆字大昌定海衛指揮使以強幹屢協總諸衛備倭時海上寇起許二陳思盼最盛隆謀攻之適思盼入東頭隆提舟師薄之而我舟忽膠隆腹中一流矢見血益奮怒揮諸舟競進卒破賊俘四十餘人斬百餘級壬子遷把總嘉興統舟師備乍浦當松

江七圍賊歸隆扼之焚沉賊舟俘斬幾三百級會破史家浜賊
又扼之沉賊舟於浦外洋一日追賊向暮黃霧四塞隆以孤舟
在賊圍中逮曉從兵皆懼隆大喊作氣發一地雷衝沉十餘舟
俘斬二百餘陞署都指揮僉事守備溫處至是寇數百將薄瑞
安城隆整兵遽出欲折其鋒偏將尹千戶者請旋師避之隆不
聽徑往遏之殺賊十餘人賊遁去回軍至田間有數賊伏莽中
遽起擊隆不及應遂死尹千戶等俱
死焉事聞贈都指揮僉事仍世襲焉

賊犯慈谿義士魏鏡死之

鏡生有絕力善格鬪聞寇至海濱輒自奮曰誰無死者死而能
衛桑梓庶幾為義鬼矣賊由餘姚至鳴鶴鎮知縣曹本率眾禦
之兵潰鏡負令而走賊追之踰杜湖嶺而南乃
操刃衝敵殺數賊賊傷其額猶力鬪不置而死

百戶劉夢祥與賊戰於崇丘死之

夢祥定海衛人領兵船出海遇賊登犯崇丘夢祥即部兵登陸
與賊大戰獲賊首數級力乏寡援遂死賊刃當道憫之為立之
祀

賊犯鳴鶴鎮孝子沈良十死之

良十時年七十餘尚有九十餘母賊至良十負母至五里外力
竭不能行息山谷舍中賊追至乃跪拜請死願代其母賊見母
子俱皤髮頽老舍之而去良十憐母飢渴方圖飲食賊又至
或舉刃欲斫其母良十以身覆母號哭遂被殺而母竟得全

常熟縣知縣王鈇致仕叅政錢洋死之

詳見直隸
倭變紀

賊攻無錫縣孝子監生蔡元銳烈婦蔡氏死之

元銳無錫人軫之子寇至家人奔散元銳以父年老獨留扶父
登屋以免元銳被執賊欲降之不屈遂遇害其女蔡氏適同邑
陸子才歸寧遇變與其婢阿滿招女二英義男婦徐氏同登一
舟將以避難賊悅其色欲汙蔡氏盡出簪釵求免不聽乃詬賊
曰過汝舟當從爾賊喜獨一人與携手而往蔡氏鬻傷賊手投
溺水中其婢皆隨溺焉無何其弟元鐸以兄陷賊中持銀往贖
知兄已亡乃
罵賊而死

五月千戶韓綱百戶葉紳與賊戰於七里店及樟村死之

綱紳皆寧波衛官紳少不羈習手搏善雙刀賊入橫石橋紳偕千戶劉英領兵策應至七里店紳奮雙刀奪橋獨進應者不繼遂為所殺後二日賊西流至樟村綱復領兵防遏猝與賊交兵潰挺身獨戰亦死之

遊擊將軍周藩與賊戰於朱涇死之

賊犯鳴鶴省祭官杜槐死之

槐慈谿人家濱鉅海佃僮遊俠輕財好施為書掾從延綏撫院巡歷邊徼險要有抵掌伊吾之志省祭歸值倭寇屢犯內地從估客得島上狡慝狀曰患將滋蔓遂散家貲結驍勇傾身下之得士死力值縣僉其父文明為部長令團結保障槐傷父老以身任之癸丑寇薄觀海衛城槐曰衛破則無縣矣一呼而羣勇俱集直前斫賊賊走衛遂得全至是賊犯鳴鶴槐率眾迎擊賊走餘姚東山槐越境追之謀言賊飯空舍提刀赴之賊伏墻隅槐揮刃中石刃缺賊競出槐與五六健卒當之自午至酉鏖戰不已戮其衣緋渠帥竟以力竭昇歸而死後賊見黑旗即驚曰杜兵至矣父文明痛其子死而麾下壯士皆願從文明殺賊以

復仇後賊燬鳴鶴文明冒死出縣令於重圍中是年冬寇自黃岩犯寧海海道檄文明偕主簿畢清邀擊之遇於奉化楓嶺之麓據高臨下布陣方定而土兵遽走杜兵力不能支文明遂與畢清俱死焉事聞

詔贈槐光祿寺丞文明府經歷即死所立祠祀之仍蔭子入監肄業云

八月指揮張大綱生員陳淮與賊戰於蘇州橫涇死之

大綱處州人驍勇異常率坑兵擊賊手刃數人力戰而死○淮崑山人知縣周之子善弩與友人潘蔚卿等相期滅賊時賊精悍異常兵士遇之輒潰淮獨與家兵二人力戰而死

九月官兵進搗陶宅賊巢指揮邵昇姚泓生員于岳死之

昇等陷陣殺賊賊已大敗乘勝進攻賊死守巷岸昇等身先士卒賊乘高刺下故皆死之

十月主簿畢清與賊戰於楓嶺死之

清善射累立戰功至是陣亡人皆惜之

監生謝志望與賊戰於餘姚斤嶺死之

志望統兵設伏誘賊大敗之乘勝逐北賊死鬪志望手射死三賊矢盡力竭遂被害

十一月賊攻鎮東衛千戶戴洪等死之

洪與高懷德張鑾皆本衛千戶出城禦敵而陣亡者也揚一茂白仁丘球皆平海衛千戶追賊於東岳山而陣亡者也

百戶劉愨與賊戰於麻園死之

生員胡夢雷與賊戰於東關死之

夢雷餘姚人與堂兄應龍操六等率鄉兵報効手刃數賊力竭而死

儒士金應賜與賊戰於母婆嶺死之

應賜山陰人

閏十一月千戶劉綱百戶張澄與賊戰於瑞安三港死之

詳見浙江倭變紀

賊犯平陽學指揮祁嵩死之

指揮閔鏞義士吳德四吳德六與賊戰於舟山死之

德四德六兄弟本慈谿濱海其廬驅其泰水德四持鋤自德六取賊刃追殺一渠魁遂衝鋒奪旗以為常至是海道前破賊渠于轅門寨內驚擾四蹶德六呼曰兄死矣獨前

三十五年正月參將尚允與紹興賊戰於松江四橋死之

三月福建總督備倭劉焮千戶王日與賊戰於石壁嶺死之

焮字大光世為寧波衛指揮伊年二十襲父爵周御史林應其薦陞贛州軍門把總未幾又用為陞福建總督備倭至是福清縣倭賊登岸據海口鎮官兵屠古田寧德望海而遁焮即提兵四捷徑宵行趨寧海縣石壁嶺

兩浙海防類考卷之九

要賊歸路北至嶺隘倉卒布列今備而賊已至部伍散亂止家

兵數人及千戶王月在側炳顧細持印者曰聖為我歸印

朝廷吾世受國恩死矣炳即挺身執一紀格殺三人力盡無援賊眾

賊犯海鹽轉塘灣指揮徐行健死之

四月賊犯青田縣百戶方存仁死之

溫州府同知黃釗禦賊於分水嶺死之

時賊自福建入浙境釗以孤軍禦之於境外分水嶺賊過桐山
釗率官兵勇敢當先連戰數合賊大敗走既而賊分支遠出我
兵之後釗遂力戰死之蓋自有倭患以來文臣死事未有如此者也

賊犯寧波孝子聞宗時死之

宗時鄞人教授聞理于性至孝幼喪母奉繼母陳承順篤至賊
至舉家竄避宗時扶父出而遇賊劫一金銀不得欲殺其父宗
時以身翼蔽泣求自代遂被刃而死尸諸田聞父遂得得時
如李三抱宗時幼子不忍舍去亦被賊刃截左耳併割其面屢
死屢魁人共傷之

賊犯崇德遊擊將軍宗禮鎮撫德河衡忠義官霍貫道死之

禮故燕曉將也侯槐何衡霍貫道皆其偏裨所統箭手九百皆
精悍絕倫所向無敵劇賊徐海部領萬人自烏鎮而來勢將犯
抗浙江官兵無足恃者禮獨與麾下據三里橋而陣張左右翼
以待戰數合擊殺數十人會日暮賊且引去時賊氣頗窘而禮
與貫道等亦已絕餉道不得擇善地便水草時飲食以自休止
明日餒而戰賊遣候者樹而望蓋孤壘以塹無他援者也大喜
復縱兵前後夾擊禮與貫道大呼力戰矢石如雨無不人人一
當十復擊殺數十百人貫道亦手刃十餘賊益怖海且中砲欲
馳去會火藥盡貫道面禮二人皆仰天呼曰吾兩人再得藥數
斗可以了此賊矣既而賊分番死鬪禮與貫道力竭夫盡俱
死焉

賊犯嘉興指揮程祿死之

兩浙海防類考卷之九 二十九 尚志林

詳見浙江
倭變紀

千戶沈宗玉王世臣與賊戰於金山江中死之

宗王鎮江衛後所正千戶世臣左所
副千戶同領兵船追賊歿於江中

賊攻江陰知縣錢錞死之

詳見直隸
倭變紀

賊犯揚州都指揮張恒千戶羅大爵百戶曾沂死之

戰於八里鋪灣頭等處大
爵沂陣亡恒傷重而死

賊犯揚州小鐵口同知朱哀高郵衛經歷女銳應襲賈思死之

賊陷慈谿生員戎良翰死之

良翰定海縣增廣生員性峻介義不苟合素以忠孝自許賊陷
慈谿良翰家靈緒慈壞甚適乃倡義集兵僅得百餘人與賊

殺斬首二級賊披靡而去已又遇賊於丘洋良翰奮勇力戰賊
方蟻聚竟不能支遂為流矢所中立死監司為之禮葬及表其門

孝子生員馮履祥向敘王應麒死之

馮履祥字君德慈谿人生七八歲即警悟好讀書嘉靖壬子補
邑庠弟子員至是賊猝犯縣履祥隨父出奔賊逼斷父左手且
裂其背履祥以身蔽之泣訴曰此吾父也願無加害寧殺我賊
竟殺之其妻袁氏遁於靈山時孕已彌月夜夢一紅面神告曰
爾夫為父死不可使無後吾當與爾一子產時無患次日婦果
生一子又值倭寇將入賊馬皆止策之亦不前賊不越境而回
一方稍輯人謂靈山神驃騎大將軍神威之庇與得兒夢符蓋
履祥孝感所致云○向敘字叔禮慈谿人獻令七世孫幼慧而
有高志舉動擬步古人年十六入府庠文藻驟發而操履端謹
人益器之至是賊入縣敘掖母而逃遇倭東溪踣敘仆地直前
披其母敘急起抱母頸連呼曰寧殺我賊乃殺敘舍其母而去
巡按御史上其事

詔旌其門

○王應麒慈谿人年十七耽學習文天性至孝倭寇卒至應
麒扶母姜氏孀余氏奔匿鄰園賊窺見二婦輒拔刀追之二婦
亟赴池水余氏溺死應麒見母遇害以身翼蔽
賊亂刃之子母傷甚賊退應麒隨卒姜氏亦死

丙折每方須考高編

卷之九

七十

王希聖

烈婦桂氏張氏章氏周氏馮氏柴氏孟氏孫氏烈女茅氏死之

桂氏阿寶女姜阿龍妻慈谿人方少艾賊至桂與眾婦走匿馮氏僻室室後有池賊搜室眾婦競赴池賊以手挽之桂絕袂而死○張氏慈谿馮警妻唐孝子無擇之後年二十歸於警纔六年遇倭寇之變邑治焚燹張氏偕姑竄匿其夫相失為寇所殺張哀號亟收夫屍殮葬未數日寇復至張偕姑及妯娌買舟逃至管山江為寇所及張知不免曰不死且汙賊手然馮之嗣不可絕也即以幼子付其姑偕伯之妻徐氏即沉於江賊大驚異遂舍舟中諸婦以去三日屍浮於江家人收之合葬於警○章氏沈祚妻周氏沈希曾妻馮氏沈信魁妻柴氏沈惟瑞妻孟氏沈弘量妻孫氏沈琳妻沈氏慈谿思橋巨族家界於觀海鳴鶴之間家眾二千人多驍黠善鬪自嘉靖以來海上多事寇上塢山巒鳴鶴縱橫蹂躪沈氏不惟自衛且能殲其渠魁奪其所掠賊甚讐之至是賊大至沈氏豪誓於眾曰無出婦女無輦貨財誓以死守不能者先戮之章氏誓於內曰男子死鬪婦一死義辱與死等耳眾婦皆竦聽既而賊圍沈氏羣婦聚於一樓賊散入戶章氏遽出投於河周氏馮氏繼之共死一所柴氏方為夫殞刃賊已斫戶入矣柴即以刃斫賊旋自刃孟氏孫氏似姊為賊所得相持不放置賊不屈奪賊刀自刺皆殲焉思橋之難沈

宗婦死難者三十餘其六人尤烈者也○茅氏慈谿人年十四父母亡獨與兄嫂居其兄痿卧賊入縣嫂出奔呼之行女曰吾室女也去將安之俱去孰為扶兄賊至遽縱火女力扶其兄避於空室俱被燔灼而死二屍相變縮焉

五月巡檢劉岱宏與賊戰於仙居縣東嶺死之

無為州同知齊恩與賊戰於圖山江中死之

恩陝西隆德縣人祖敏知四川蒲江縣殺賊有功與二子俱死於賊

詔為立祠恩楨入國子監授序班遷河曲知縣禦寇備邊有功撫按保留父任九年考績遷無為州同知閔東南久罹倭患竭忠圖報練兵器械一毫不取於民長江賴以保障賊犯上流奉檄即率子孫叔姪兄弟凡十二人領兵赴敵一至圖山即身先士卒鼓眾而前殺賊數多賊遂畏懼奔潰乘勝逐北悞中賊伏誓戒子姪曰一死莫惜圖成功以靖

國難由是舉家赴敵至於力竭勢窮又曰兒輩勉存宗祀吾與此賊誓不俱生由是欠于齊嵩等四人得脫恩與長男尚文孫童叔仲實弟寶榮姪友良大卿力戰不屈俱死於賊一門忠義自有倭患所未有也人以為克紹祖武云

賊犯定海烈女傅氏死之

傅氏定海昌國傅梓女也年甫十七美姿色未嫁寇猝至女家故瀕海遂為賊所得女即以石自破其面流血塗地賊怒磔之

六月百戶師印與賊戰於青村得勝港死之

印新安衛百戶率廣兵追賊至得勝港兵潰印力戰而死

八月官兵進搗沈庄賊巢義勇劉進死之

時賊巢甚堅官兵難於進攻進首抱火器渡河焚賊巢廬舍火既熾賊亂官兵乘之遂大捷進傷重陞屋以死蓋忠勇異常者也惜無父母妻子故其功莫酬焉

九月百戶郎官與賊戰於臨海縣兩頭門死之

官兵與賊戰於鴈門嶺生員倪泰員死之

泰員餘姚人少儻有膽氣憤倭荼毒生靈募家兵四百從湖守備楊縉擊賊於定海之龍山三戰三捷乘勝追賊泰員率兵獨抵賊巢殺賊頗眾值天暮賊出死鬪兵疲勢孤泰員與家兵四十二名俱死於賊

官兵鴉乍浦賊巢土官汪相向鑿死之

十二月官兵與賊戰於舟山冠帶把總莫翁送死之

翁送桑麻土兵頭目也

嘉靖二十六年四月賊攻海門衛應襲俞憲章死之

憲章百戶之子

五月都指揮沃田冠帶把總岳君寵與賊戰於天長死之

先是田統鎗手三千名守瓜儀賊犯天長操江都御史尚公委領兵一千與都指揮焦鯤應援賊衝入其營鯤等潰走田與君寵及家丁封漢等力戰而死

三十七年正月賊陷蓬州所百戶李日芳等死之

三月百戶秦杭與賊戰於梁灣港死之

杭蒲岐所百戶先以軍門委領白岩塘兵船守青壘門至是與賊遇於梁灣港力戰死之

四月致仕僉事王德與賊戰於龍灣死之

德永嘉人原任廣東僉事憤倭流劫募集義兵二千水兵二百剿之與賊遇於龍灣殺賊數十既而伏賊四起德被圍死戰遂

遇

賊犯太平縣典史葉宗死之

宗太平人原任典史因事去職

良醫王沛與賊戰於梅頭嶺死之

沛字崇大以例授良醫七品散官歲壬子倭寇海濱崇大首倡大義招集義兵七百餘人團操保禦屢建奇功後因從子廣東僉事德致政而歸加募勇壯至一千五百有奇嗣後與賊戰龍灣戰長沙皆有戰績至是與賊戰於梅頭嶺賊眾大至沛眾寡不敵遂死之

敵遂死之

指揮劉茂朱廷鑰千戶周賓百戶李爵劉源等與賊戰於白巖塘死

之

茂盤石衛指揮使廷鑰温州衛指揮僉事賓蒲岐所正千戶爵蒲岐所百戶源盤石右所百戶

五月賊犯惠安縣知縣林咸與戰死之

詳見福建倭變紀

六月觀海衛百戶與賊戰於柯梅死之

賊犯昌國烈女李氏死之

李氏昌國人寇至執李欲汙之李罵賊不屈竟死之

十月賊掠頭灶塔守備楊益與戰死之

時官兵每有斬獲賊輒奪其屍去蓋因貪功力戰而前故死之

嘉靖三十八年三月賊犯樂清三窰嶼千戶胡鳳朱璠胡珊百戶姚憲死之

鳳等從參將張鈇禦賊於窰嶼賊伏麥田中俟官兵將半忽起敵殺官兵大潰鳳等遂遇害

官兵與賊戰於奉化之江口橋武生蔡啓元死之

啓元廣德人從叔監生蔡汝蘭勸王擊倭奴累戰功授千夫長至是我兵當賊於江口橋行列已定鼓而向賊同行者俱錯愕不前啓元獨憤怒裂背恥誓不休徑匹馬橫而前與賊逼賊駭或走或伏啓元手格殺數人會天雨馬行淖潦中不得出力竭矢空顧左右皆散去僅弟昆元與二三不備不去啓元怒益甚瞋目揮劍罵賊曰吾不啖汝肉非丈大也獨死戰良久賊乘間步河繞其背鎗之死踰時猶怒立馬上不墮人共壯之

四月官兵與賊戰於灣頭千戶蕭百戶蘇死之

千戶趙世勳鎮海衛與賊戰於如皇死之

官兵搗廟灣賊巢千總沈儒死之

儒故驍將至是從南路入水手燬賊船為賊毆所中而死

賊犯象山烈婦丘氏死之

丘氏象山人王憲維妻賊劫西山至憲維室時夜分賊斫其色欲汙之丘氏不從執木棍擊之中賊首賊以刃刺其腹而死

八月參將丘陞與賊戰於七灶洪死之

陞北方驍將也歲丁巳倭犯淮揚陞提兵應援屢立戰功寇平督府因留之每戰輒身先士卒凱旋則殿後行賊見輒為引避至是單騎搦戰故遇害

十一月指揮夏正為王直黨所殺

正故通事屢立奇功奉例納級報効軍門王直之來也擁兵觀望禍且亟則正密領兵公方畧入直所為死間直既就擒毛烈

收其眾議為復讐正又訟獲其黨烈怒欲殺之正不為屈
遂為烈黨支解而死事聞贈都指揮使應子為止千戶云

三十九年三月冠帶義士沈講與賊戰於走馬溪死之

四十年五月百戶徐昭與賊戰於海山外洋死之

百戶焦涇追賊出海死之

涇隘頑
所百戶

拾遺


嘉靖三十三年三月鎮撫彭應時與賊戰於乍浦死之

應時山陰人以儒生中武科授本鎮鎮撫都御史王公仔知其
材檄使練士會賊首蕭顯為將蓋鏜所攻自松江走入浙境
王公令應時截之于海塘至乍浦賊掩至乃奮鬪身被數創
督戰不已遂死于陣應時性聰敏能詩文材力兵技冠絕一時
而尤精于騎射其練兵也善撫士卒
人樂為之用及其死也人皆惜之

三十四年正月賊犯歸安縣鎮撫嚴氏死之

嚴氏諱四英桂林知府鳳之從女也寇入鄉傷其父擄
四英以行至眺街橋西其怒溺焉山陰徐渭為之立傳

兩浙海防類考續編卷之九



天祿中平

兩浙海防類考續編

卷之九

類考綱目

十一

